

SCRIPT OF EVENING GOJRI NEWS BULLETIN 5JUNE 2025

1700HRS

اونینگ گو جری نیوز بلیٹن مورخہ 5جون 2025

یوہ آکا شوانی جموں بے نصرت تے ظفر اقبال تیں خبر سُنو۔

HEADLINES

۱۔ وزیر اعظم نریندر مودی کل کثرہ توں 46 ہزار کروڑ روپیہ توں زیادہ غا متعدد ترقیاتی پروجیکٹاں گو آغاز کریں گا تے کثرہ توں سرینگر جان آلی وندے بھارت ریل گڈی نانہ ہری جھنڈی وی دسیں گا وزیر اعظم گا دورہ توں قبل جموں کشمیر مانہ حفاظتی انتظامات بدا دتا ہیں۔

۲۔ وزیر اعظم نریندر مودی نے کہیو بے جے اینڈی اے غی حکومت نے اپنا 11 سالان مانہ غریباں غی فلاح و بہبود شہریاں نانہ باختیار بنان واسطے بہتر کم کیو بے۔

۳۔ قومی تحقیقاتی ایجنسی نے کشمیر مانہ دہشت گرد تنظیمان غا مدد گار کارکناں سنگ منسلک متعدد مقامات ور چھاپا ماریا ہیں۔

۴۔ ٹانگر ڈویژن نے 100 دیہی دفاعی راکھا نانہ تربیت دتی بے۔

۵۔ ماحولیات غا عالمی تہاڑا تے جموں میونسپل کارپوریشن نے بیداری مہم انسانی چین تے بوٹا لان غی مہم غو اہتمام کیو بے تے بالی وڈ غی مشہور شخصیات نے جے ویلی مانہ ضلع انتظامیہ ڈوڈہ سنگ ہتھ ملایو بے۔

PM JK VISIT

وزیر اعظم نریندر مودی پلک مقدس شہر کثرہ مانہ جہیڑو شری ماتا ویشنو دیوی غو بیس کیمپ بے ات 46 ہزار کروڑ تیں متہ مالیات غا ترقیاتی منصوباں گو سنگ بنیاد رکھیں غا۔ تے افتتاح کریں گا نالے اس نانہ قوم غے ناں وقف کریں گا آکاشوانی جموں غا نامہ نگار غے مطابق وزیر اعظم ایک طویل انتظار تیں بعد وادی کشمیر واسطے پہلی براہ راست ریل نانہ ہری جھنڈی دس غے روانہ کریں گا۔ جناب مودی شری ماتا ویشنو دیوی کثرہ تیں سرینگر توڑی 2 وندے بھارت ایکسپریس ریلان نانہ روانہ وی کریں گا یوہ دنیا غو سب تیں اچو ریلوے پل چناب پل تے ملک گو پہلو کیبل پل انجی پپ گو وی افتتاح کریں گا۔ وزیر اعظم ادھمپور سرینگر بارہمولہ ریل رابطہ پروجیکٹ جس غ لاگت تقریباً 44 ہزار کروڑ روپیہ بے قوم غے ناں وقف کریں گا دوجی جانب مرکزی وزیر برائے ریلوے اشونی ویشنو مرکزی وزیر ڈاکٹر جتندر و سنگھ تے وزیر اعلیٰ عمر عبداللہ نے اج کثرہ غو دورو کیو تانجے وزیر اعظم غا پروگرام غی تیاریاں غو جائیزو لے سکیں۔ آکاشوانی غا خبراں آلا شعوبہ سنگ گل کرتا واں ریلوے غا مرکزی وزیر اشونی ویشنو نے اس طرح کہیو۔

PM GARIB KALYAN

وزیر اعظم نریندر مودی نے اپنی حکومت نانہ ہمدرد تے غریباں غی بھلائی واسطے وقف قرار دتو بے مرکز مانہ این ڈی اے حکومت غا 11 سال مکمل ہون ور وزیر اعظم نے انقلابی اقدامات غو ذکر کوی جہیڑا غریباں غی بہتری واسطے کیا گیا ہیں سماجی ذرائع ابلاغ ور اپنا ایک پیغام مانہ وزیر اعظم نے کہیو کہ پردھان منتری آواس یوجنا، پردھان منتری اوجول یوجنا، جن ڈھن یوجنا تے آیوش مان بھارت جیسا پروگراماں نے لوکاں نانہ رہائش صاف

ایندهن بنکنگ تے صحت غی سہولیات حاصل کرن مانہ مدد کی ہے انہاں نے کہیو کہ لوکاں غا کھاتاں مانہ سیدھا پیسہ پھیجن تے موبائل غے ذریعے سہولت پُجان تے دیہاتاں مانہ سڑک غی سہولت ور زور دین تیں کماں مانہ شفافیت آئی ہے وزیر اعظم نے کہی وکہ ان سکیمان نے 25 کروڑ تیں متہ لوکاں نانہ غربت تیں باہر کڈیو ہے انہاں نے سب واسطے عزت دار زندگی تے کوڈ کفیل بھارت نانہ بنان غا عزم نانہ دوہرایو۔

NIA

قومی تحقیقاتی ایجنسی جموں کشمیر مانہ دہشت گردہ تیں متعلق ایک کیس مانہ 32 مقامات ور چھاپے ماری کر رہی ہے۔ یے چھاپہ پلوامہ، گلگام، شوپیان، بارہ مولہ تے کپواڑہ ضلع مانہ ماریا جارہیا ہیں۔ صبح تیں جاری یے کاروائی مخصوص اطلاعات غی بنیاد ور اُن افراد غے خلاف کی جارہی ہیں جہیرا مختلف دہشت گرد تنظیمان غا مدد گار سمجھیا جیں۔ یوہ کیس ایک بڑی دہشت گردی غی سازش تیں متعلق ہے۔

SPECIAL FEATURE 11 YEARS OF GOVT

بھارت بت گزشتہ ایک دہائی مانہ شاندار ترقی کی ہے جس غی بنیاد خدمت اچھی حکمرانی تے غریباں غی فلاح ور رکھی گئی ہے آکاشوائی نیوز غی خصوصی رپوٹ اج حکومت غیکوششاں نانہ آجاگر کرے خاص طور ور ہتر مندی غی ترقی تے روز گار غا مواقع پیدا کرن غا شعور مانہ ہے۔ بھارت غی کُل آبادی وچوں تقریباً 65 فی صد لوک ایسا ہیں جن غی عمر 35 سال یا اس تیں کہٹ ہے۔ ایسا مانہ نوجوانان نانہ ہتر مند بنانو تے باختیار بنانو ملک غا مستقبل واسطے تہایت ضروری ہے حکومت غی جانب تیں روز گار غا مواقع پیدا کرن واسطے کی گئی کوششاں گا مثبت نتائج باندھے آیا ہیں۔ 2014 مانہ کالج غا طلباء مانہ صرف 34 فی صد ایسا تھا جہیڑا نوکری واسطے تیار سمجھیا جیں تھا لیکن 2024 مانہ یے تعداد بدھ غے 51 فی صد تیں زیادہ ہو گئی ہے اس مقصد نانہ حاصل کرن واسطے پردھان منتری کوشل وکاس یوجنا غے تحت پچھلاں 10 براں مانہ 1 کروڑ 63 لکھ تیں زیادہ نوجوانان نانہ مختلف ہتر غی تربیت دتی گئی ہے۔

VIKSIT KRISHI

سکاسٹ جموں غی سرپرستی مانہ کرشی وگیان کیندر سامبیہ نے وکست کرشی سنکلیپ ابھیان غے ذریعے اپنی موثر رسائی نانہ جاری رکھیو ہے ہر روز ایک ہزار توں زیادہ کسان تے فارم کالسری حصو لے رہی ہیں اپنا دورہ غے دوران سائنس دانان تے ماہرین نے کسانان غے سنگ براہ راست رابطو کیو جدید کاشت کاری غی تکنیک مٹی غی صحت غا انتظام تے موسم پانی لچکدار حکموت عملی غا بارہ مانہ رہنمائی فراہم کی۔ کسانان نانہ کہیو گیو ہے جے وے نوی تکنیک تے کاشت کاری گا طریقہ اپناوین۔ تانجے پیداوار تے آمدنی مانہ اضافو ہوسکے قابل ذکر ہے جے اس پروگرام غو مقصد جدید طریقان غا بارہ مانہ بیداری کرنو ہے جس سنگ زراعت شعبہ مانہ زیادہ موثر تے پائیدار طریقہ سنگ تبدیل کیو جاسکے۔

VDG TRAINING

مقامی حفاظتی صورتحال نانہ بہتر بنان تے اجتماعی دفاعی نظام نانہ مضبوط بنان غی مسلسل کوششاں مانہ ٹانگر ڈویزن نے دیہی دفاعی راکھا واسطے جامع تربیتی پروگرام غو

انعقاد کامیابی سنگ جاری رکھیو وہ ہے کل 100 دیہی دفاعی راکھاں نے جموں مانہ پولیس فائرنگ رینج سنجو مانہ اس تربیتی پروگرام مانہ شمولیت کی یہ تربیت دیہی دفاعی راکھاں غا ارکان غی آپریشنل صلاحیتاں نانہ بدھان تے حفاظتی دستہ غے درمیان تال میل نانہ مضبوط بنان ور مرکوز ہے۔ قابل ذکر ہے جے ان دیہی دفاعی راکھاں نانہ بندوق چلان بنیادی ہتھیاراں بارے جانکاری فراہم کرن تے حفاظتی مشک کرن غابارامانہ بھارتی فوج غا تجربہ کار اہلکار تربیت دے رہیا ہیں۔

CIVIL MILITARY INTERACTION

آپریشن سندھور غے بعد بھارتی فوج نے اج ایک اہم پیش رفت مانہ ضلع پونچھ مانہ عام شہریاں تے فوج غے ہشکار بات چیت غا پروگرام غو اہتمام کیو جس غو مقصد مضبوط سماجی تعلقات نانہ فروغ دینو تے سرحدی علاقہ مانہ عام شہریاں غی تیاریاں نانہ بدانو ہے 93 انفنٹری برگیڈر غے زیر اہتمام منعقد ہونالی اس تقریب مانہ عام شہری مقامی کمیونٹی لیڈر تے کالج غا طلباء نے شرکت کی بات چیت غو بنیادی مقصد حال ہی مانہ ختم ہون آلا آپریشن سندھور غا بارہ مانہ بیداری پیدا کرنو تھو۔ پروگرام غے دوران فوج نے سرحد پار گولہ باری توں خطرات غا بارہ مانہ تفصیل سنگ دسیو تے ایسا واقعات غے دوران اپنا آپ نانہ محفوظ رکھن تے گوانڈیاں غی مدد کرن غا بارہ مانہ عملی رہنمائی فراہم کی اس بارہ مانہ پیش ہے مارا نامہ نگار انوبھو مشری غی یاہ رپوٹ۔

JMC ENVIRON DAY

ماحولیات غا عالمی تہاڑا غا موقع ور جموں بلدیاتی انتظامیہ نے شہر بھر مانہ ماحولیات تیں متعلق شوعر تے پانیدار طرز زندگی نانہ فروغ دین واسطے مختلف سرگرمیاں غو انعقاد کیو اس موقع ور گجر نگر چوک مانہ لوکاں نے ایک کمی قطار لاغے انسانی چین بنانی جس مانہ جموں مشرقی رکن اسمبلی یڈویر سیٹھی ڈپٹی کمشنر جموں سچن کمار ویشنا تے جموں بلدیاتی ادارہ غا کمشنر ڈاکٹر دیوانش یادو نے روانہ کیو۔ اس تیں بعد درخت لان غی مہم چلائی گئی جس مانہ معززین طلباء تے شہریاں نے مختلف قسم غا پورا لاغے ایک سر سبز مستقبل غی طرف قدم چایو۔ اس بارے گل کرتا واں جے ایم سی غا کمشنر نے اس طرح کہیو۔

BHADERWAH PLANTATION DRIVE

پلاسٹک تیں پاک دنیا غو پیغام پھیلان واسطے مشہور بالی وڈ اداکار پہلی واری جموں کشمیر غی خوبصورت سیاحتی جگہ جے وادی بدرواہ پُجیا عالمی یوم ماحولیات غا موقع ور اداکار شریب ہاشمی چندن رائے سنیاں تے سنی بندوجا نے ڈپٹی کمشنر ڈوڈہ برویندر سنگھ تے جموں کشمیر جنگلات محکمہ تے آلودگی ور قابو کرن آلا ادارہ نے مل غے ایک بڑی شجر کاری تے صفائی غی مہم مانہ حصو لیو۔ ڈپٹی کمشنر ڈوڈہ برویندر سنگھ نے کہیو کہ اس پروگرام غو مقصد صرف ماحولیاتی آلودگی خاص طور ور غیر تحلیل ہون آلا کچرا غا خطرناک اثرات غا بارہ مانہ آگاہی دینو ہی نہیں بلکہ ایک اہم پیغام وی دینو تھو۔ اُنہاں نے کہیو یوہ پروگرام جس واسطے بالی وڈ غا مشہور اداکار ممبئی تیں بدرواہ آیا اس گل غی علامت ہے کہ پوری قوم جموں کشمیر غے نال کھلی ہے تیہم آپریشن سندھور غا شہدا نانہ خراج عقیدت پیش کراں۔ ڈی سی ڈوڈہ برویندر سنگھ نے مزید اس طرح کہیو۔

DA INCREASED

جموں کشمیر حکومت نے اپنا ملازمین واسطے مہنگائی الونس مانہ نظر ثانی غوا اعلان
کیو ہے اس نانہ بنیادی شخواہ غے 53 فی صد توں بد اغے 55 فی صد کردتو گیو ہے جہیڑو
یکم جنوری 2025 توں نافز کیو ہے غو۔ 27 جنوری 2025 غا حکومتی حکم نمبر 2025 -
28 ایف غا تسلسل مانہ یوہ حکم دتو گیو ہے کہ 7 ویں شکواہ کمیشن غے تحت باقاعدہ شخواہ
غی سطح ور کم کرن آلا سرکاری ملازمین نانہ 1 جنوری 2025 توں لاگو ہون آلی بنیادی
تنکواہ غا 55 فی صد غی شرح توں نظر شدہ تنخواہ الونس ادا کیو ہے۔
